



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 15 yüli 2020

## **Sifra índise di preis pa konsumidó pa luna di aprel 2020**

### **Desaroyo di preisnan pa konsumidó na Kòrsou pa luna di aprel 2020**

**For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0.2 porshento na luna di aprel 2020 kompará ku luna di mart 2020. E sifra di inflashon a subi leve na 2.9 porshento.**

Dor di koronavírùs CBS tabata tin algun problema pa kompilá e sifra di índise pa luna di aprel 2020. Esaki a bin sigur dor ku algun produkto i servisio no tabata optenibel. (p.e. karchi pa sine, òf un baimentu na un barbero). Banda di esaki e e manera di kumpra di e konsumidó a kambia i tabata mas difísil tin ora mas imposibel pa opservá e preisnan korekto.

Dependé di e situashon CBS a skohe pa e método kaminda ta hasi uso di un kalkulashon fiktisio di preis. E método aki ta konforme normanan internashonal ku p.e. UN i IMF ta stipulá. Dor di usa e método aki CBS por sigui publiká e CPI total i esaki ta hasi posibel ku despues di tempu e desaroyo di preis promé i despues di e periodo di korona ta komparabel ku e realidat.

### *Desaroyo di preis luna di april 2020 kompará ku luna di mart 2020*


E sifra índise di preis pa konsumidó (CPI, “Consumer Price Index”) di Kòrsou a subi ku 0,2 porshento na luna di april 2020 kompará ku luna di mart 2020, esta di 133.7 na mart 2020 pa 134.0 na april 2020.

E kambionan di preis spesífiko ku mas a sobresalí durante luna di april 2020 ta; bahada di kerosin (-27.3%), batata, berdura i fruta (-0.7%) i subida di bòm di gas (3.7%), gasolin (1.3%), sigaria (4.6%), gas (1.9%), gastu doméstiko (0.9%), produkto di lechi (0.7%) i suku i chukulati (0.7%).

### *Desaroyo di preis luna di april 2020 kompará ku luna di april 2019*

E CPI di april 2020 (134.0) ta 2.7 porshento mas haltu ku e CPI di april 2019 (130.5). E sifranan aki ta indiká ku e nivel di preis pa konsumidó durante luna di april 2020 ta 2.7% mas haltu kompará ku e mes un luna na 2019. E kategorianan ku a kontribuí mas tantu na e subida aki ta bebida, sigaria, kuminda i bibienda.

### *Desaroyo di preis riba término largu: inflashon april 2020*



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i

p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku mart 2019 ku mes periodo un aña anterior, ta resultá ku preisnan na averahe a subi ku 2,9 porshento: e CPI promedio di 12 luna a desaroyá di 129.6 na aprel 2019 pa 133.3 na aprel 2020.

////////////////////////////////////